


IBhayibheli LaBantwana Likulethela

UJesu
noLazaru



Ibhalwe ngu: Edward Hughes

Kwabonakala ngu: Janie Forest; Alastair P.

Ifanekiswe ngu: Ruth Klassen

Itolikwe ngu: Goodwill Sithembiso Gwala

Ikhizwe ngu: Bible for Children

www.M1914.org

©2022 Bible for Children, Inc.


iLayisensi: Abantu bangazithathela noma bephrinte izinto kulendaba egunyazwe ngokomthetho kodwa akumele bazidayise.



UMariya noMarta babekhathazekile.
Umfowabo uLazaru wayegula - egula
kakhulu. Odade babazi
ukuthi uLazaru angase
afe ngokushesha.
Bathumela ukubiza
uJesu. Wayewuthanda
lo mndeni omncane
waseBethaniya.




Lapho uJesu ezwa ngoLazaru watshela abafundi bakhe, "Lokhu kugula ngeke kugcine ngokufa." Nakuba uJesu ayekude ngamakhilomitha amaningi, wayazi kahle ukuthi kwakuzokwenzekani kuLazaru.



UJesu walinda izinsuku ezimbili ngaphambi kokuba ahambe aye eBhethaniya. Wase esho into eyabadida abafundi bakhe. "ULazaru ufile. Ngiyajabula ukuthi bengingekho ukuze nikholwe." Aychaza ukuthini lamagama angajwayelekile? UJesu wayehlela ukwenzani?





Wathi
uJesu efika
eBhethaniya, uLazaru
wayeshone izinsuku ezine.
Isidumbu, egogwe
ngezindwangu
zethuna,

waye kwithuna
elithi alifane
nomhume.



UMarta wahamba wayohlangabeza uJesu.

“Umfowenu uzovuka futhi,” kusho uJesu. “Ngiyazi - ekuvukeni kwabafuleyo ngosuku lokugcina,” kuphendula uMarta. Wacabanga ukuthi kufanele alinde kuze kube sekupheleni kwesikhathi ukuze aphinde abone uLazaru.

Kodwa

uJesu wayesho okuhlukile.






“Mina ngingukuvuka
nokuphila,” uJesu watshela
uMarta. “Okholwa yimi
uyakuphila noma efa.”
UMarta wamkholwa uJesu.

Wayazi ukuthi
WayeyiNdodana
kaNkulunkulu.

Kodwa
wayengamsiza
kanjani
uLazaru?



Bonke babedabukile ngoba uLazaru wayefile.
Udadewabo uMariya wayekhala. Kwakunjalo
nabangane bakhe ababezama ukumduduza.
NoJesu wakhala.



UJesu wahamba
nabantu baya ethuneni.
Kwakulele itshe elikhulu
ngasemnyango.



"Susani itshe," uJesu wayala.
UMarta waphendula wathi,
"Nkosi, usenuka ngokuba
usenezinsuku
ezine efile."




Ngokuyala
kukaJesu
amadoda asusa
itshe. UJesu wabe
esethandaza kuYise
osezulwini. UJesu
wayesezokwenza
isimangaliso esikhulu
ukuze abantu bazi
ukuthi uNkulunkulu
umthumile.



"Lazaru!"
UJesu wamemeza.
"Phuma!" Kumelwe
ukuba abantu
bagqolozele umhume
bemangele. Ingabe
uJesu wayengenza
umuntu ofile aphile?





YEBO!
ULazaru
waphuma
emhumeni,
egoqwe
izingubo
zethuna -
EPHILA!



"Mthukululeni,"
kusho uJesu.
"Myeke
ahambe."



Yeka
injabulo
eyayikhona!

Izinyembezi zaphenduka uhleko. UJesu
wayeligcinile izwi Lakhe. ULazaru
wayesephila futhi. INdodana
kaNkulunkulu kuphela
eyayinganikeza umuntu
ofile ukuphila.



Abantu abaningi ababona lesi simangaliso
bakholwa kuJesu. Kodwa abanye babika ngaye
ezitheni zakhe - abaholi bethempeli. Ngomona benza
itulo lokubulala uJesu. UJesu
esekwazi lokhu wamuka
isikhashana.



UJesu noLazaru

Indaba evela kwiZwi laNkulunkulu, iBhayibheli,

Itholakala

Johane 11

“Ukwambulwa kwaMazwi Akho kuyakhanyisa.”
AmaHubo 119:130



Yaphela



Lendaba yeBhayibheli isitshela ngoNkulunkulu wethu uyisimanga owasidala futhi ofuna ukuthi wena wazane Naye.

UNkulunkulu uyazi ukuthi senze izinto ezimbi, Azibiza ngesono. Isigwebo sesono ukufa, ngokuba uNkulunkulu walithanda izwe kangaka, waze wanikela ngeNdodana Yakhe ezelwe yodwa ukuba izosifela esiphambanweni igwetshelwe izono zethu. UJesu wase evuka ekufeni wanyukela ezulwini ekhaya lakhe! Uma ukholwelwa kuJesu futhi uma Umcela ukuthi akuthethelele izono zakho, Uzokwenza lokho! Uzoza ezophile ngaphakathi kwakho manje, futhi uzophila Naye kuze kube ingunaphakade.

Uma ukholwa ukuthi iqiniso leli, ithi kuNkulunkulu: Nkosi Jesu, Ngiyakholwa ukuthi wena unguNkulunkulu, futhi wehla ezulwini waba inyama ukuze ufele izono zami, wavuka ekufeni usuyaphila futhi. Ngicela ungene empilweni yami ungithethelele izono zami, ukuze ngizokwazi ukuba nempilo entsha, ukuze ngiyokwazi ukuba Nawe kuze kube phakade. Ngisize ukuba ngilalele Wena futhi ngiphilele Wena njengomntwana Wakho. Ameni.

Funda iBhayibheli futhi khuluma noNkulunkulu nsuku zonke! Johane 3:16

